



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

150. An si quis petat facultatem à Superiore ad dispensandum in quodam casu, quem, data opera, non explicat,, quia timet de exclusiva Spiscopi, impetratio sit valida? Ex part. 8. tract. 3. res. 52.

---

[urn:nbn:de:hbz:466:1-76359](https://nbn-resolving.de/urn:nbn:de:hbz:466:1-76359)

Cum similitudine, & secunda minimè, sive virtuatae sit concessa absolute. Ita sentiunt, dum de rescriptis loquuntur, Molina lib.4. de primogenitis, c.3. n.32. & P. Molina tom.3. de iustitia. disput.6. num.2. Probat hoc responsum; quia efficeret mentiopem eius dispensationis nullius, non est necessarium ex dispensatione alicuius iuris, ut constat; præterea non est necessarium ex natura rei, quia cum prior dispensatio fuerit nulla; non est major ratio habenda illius, quam si nullo modo fuerit concessa; ergo taceat illam in petitione dispensationis secunda, non potest obesse secundæ dispensationi concedendæ.

## RESOL. CXLIX.

*An dispensatio obtenta per vim, & metum sit valida? Ex part.8. tr.3. Ref.76.*

§.1. **R**espondeo, quod dispensatio concessa ex iusta causa, etiam si concedatur propter metum cadentem in virtutem constantem, valida est. Patet, quia de iure naturæ valida est, & alias de iure positivo non arguitur voluntas coacta concedentis dispensationem, quia tali iure non constat nobis; ergo illa dispensatio ex nullo cap. erit inutilis; & licet in cap. unico, de his, que vi, in 6. annuletur absolutio à censura, quando metu extorquetur, haec lex, tanquam odiofa, non est extendenda ad alium casum, ut probò considerauit Suarez tom.2. de religione cap. fin. Et voluntas dispensandi sufficientibus signis externis explicanda est; nulla tamen est praescripta forma verborum, aut signorum, quibus explicitur, ut notauit Sylvestre verb. volum. 4. quæst. 8.

Vide circa praesentem questionem inter alios Casstrum Palam tom.1. tract.3. disput.6. punct. 16. §.1.

## RESOL. CL.

*An si quis petat facultatem à Superiori ad dispensandum in quodam casu quem, data opera, non explicat, quia timet de exclusione Episcopi, imperatio sit valida? Ex part.8. tr.3. Ref.52.*

§.1. **N**egatiuè respondeo cum Salas de legib. disput.20. sed.15. num.22. vbi sic ait. An si quis petat facultatem à superiori ad dispensandum in quodam casu cum aliquo, non exprimens, quis sit ille casus, quia credit, si exprimeret, negandū illi esse facultatem, sit valida, Respondeo Sanchez num.24. Si petens norit, prælatum esse in contraria voluntate habituali; quia in similibus casibus nunquam vult dispicare, vel quod se non posse opinetur, vel quod nolit, non valebit imperatio: nam concedendi intentio deficit. Quia sciat in generali concessione non veniunt intelligenda, quia quis verisimiliter non est in specie concessurus, reg. in generali, & reg. iur. in 6. ita nec in illa indeterminata concessione venit casus, qui habituali concedentis voluntati aduersatur. Si autem non adesse hæc habitualis voluntas, nec opinio contraria, sed tantum creditur, fore, ut à concessione aliqualiter retardetur, & forte nolit, eo quod minutissima specter, vel scrupulis agitur, valida erit imperatio: quia absolute Prælatus concessit, & nulla est actualis, vel habitualis voluntas. Hæc ille. Sed priorem partem intelligo esse veram, si nomine habitualis voluntatis intelligatur præcedens voluntas formalis specificis, vel generalis non revocata, quam communiter vocamus virtualem; quia manere censetur, dum non

retractatur. Hucusque Salas; cui adde Bonacinan de legibus, disput.2. quest.2. punct.5. numer.22. & nouissimè Perez de matrimonio, disput.46. sed.8. num.10. circa praesentem questionem, sic afferit. Quid dicendum de concessione impetrata ab Episcopo, vel alio superiori, ad dispensandum in quodam casu, quando impetrans datâ operâ tacet casum, quia existimat fore, ut eo expreso Prælatus deneget: & prælatus non interrogans casum, sed fidens petenti, concedit illi suas vices ad dispensandum: iuxta superiori doctrinam, meo iudicio, est distinguendum. Nam si petens fecit Prælatum esse in contraria voluntate habituali iusta & rationabili, quia in similibus casibus nunquam vult ex rationabili causa dispensare, non valebit imperatio, quia concedendi intentio deficit. Nam sciat in generali concessione non veniunt ea, quia quis verisimiliter non est in specie concessurus, reg. in generali, & reg. iuris in 6. ita nec in illa concessione determinata, venit casus, qui habituali, ac prudenter concedentis voluntati aduersatur. Si autem non adesse hæc habitualis voluntas rationabilis, & ex iusta causa, nec opinio contraria probabilis, sed tantum creditur fore, ut à concessione aliqualiter retardetur, & forte nolit, quia minutissima specter, vel scrupulis agitur, valida erit imperatio: quia absolute Prælatus concessit, & nulla est actualis vel habitualis voluntas rationabilis in contrario.

2. Et tandem, non deseram hinc apponere verba Portel in respons. moral. tom.2. cap.44. num.1, ita afferentis. Si aliquis indigebat dispensatione in certo casu, & noluit casum manifestare superiori, timens; quod ipse superior non erat dispensatus: & idem obtinuit ab illo facultatem, ut alius secum dispensaret, non exprimendo superiori qui casus esset; & superior commisi alteri ut cum illo dispensaret: quartus an ista dispensatio fuerit valida? Respondeo, quod si sit superior habuit antea animum nunquam in tali casu dispensandi, quia forte crebat se in tali casu non posse dispensare, idque aliquando ore protulit, in tali casu dispensatio est inutilis, quia non adesse intentio concedendi: sicut enim in generali concessione non veniunt ea, quia quis non est in specie concessurus, si specialemente rogaretur, ut dicitur de reg. iuris in 6. Ita nec in illa indeterminata concessione venit casus, quem verisimiliter non est concessurus, quique virtuali concedentis voluntari repugnat. At si superior nunquam habuit animum non dispensandi in tali casu, & alias poterat dispensare, valida est dispensatio, & dispensationis concessio. Ratio est, quia facta est ab eo, qui facultatem, & voluntatem dispensandi habebat. Ita Portel.

## RESOL. CLI.

*An forenses, & peregrini possint dispensari à Episcopis, etiam si brevi tempore in eorum Diocesis, commoverent?*  
Et quid de Scholaribus, Pratoribus, Medicis, Officiibus, &c? Ex p.8. tr.3. Ref.47.

§.1. **A**ffirmativam sententiam docet Basilius sup. hom. Pontius de Mar. lib.8. cap.7. numer.7. fia in 11. putat enim peregrinos, & forenses, etiam si brevi tempore commoverent posse à Dicecelano illius loci dispensari in legibus, & iuris, & iuramenti, sicut posse sunt reliqui alii reddit. Probat hanc suam sententiam; quia peregrini, ratione habitacionis subduntur legibus plus oppidi, quia transiunt: ergo non deficit illis subiectio necessaria ad dispensationem obtinendam.